

Bajrangi Maharaj, Tumhe bhakt bulate hain | By Rajeev Sharma |

Bajrangi Maharaj,
Tumhe bhakt bulate hain,
Tumhe sheesh jhukate hain.

Agyan baalak hai,
Charanon ke paayak hai,
Tu hi sirmaur hai,
Nadaan bilkul hai,
Ye baat sachchi hai,
Tere bin nahin aur hai,
Baithe le ummeed,
Tumko aaj rijhaate hain,
Tumhe sheesh jhukate hain.

Tum veer balkari,
Shankar ke avtaari,
Ajab teri shaan hai,
Tu Ram ka pyaara,
Tu Shyam ka pyaara,
Bada tu gunvaan hai,
Jaldi aa jao,
Teri jyot jalaate hain,
Tumhe sheesh jhukate hain.

Bhakti ka daata hai,
Shakti ka daata hai,
Veer baldhaari ho,
Jo bhi sharan aaya,
Khaali na lautaaya,
Bade upkaari ho,
Abhay daan de do,
Yahi aas lagaate hain,
Tumhe sheesh jhukate hain.

Deeno ke hitkaari,
Arzi suno mhaari,
Prabhu sir haath dharo,
Lekar tumhara naam,
Karte tumhe pranaam,
Humein bhav paar karo,
'Jai Ram' balihaari,
Tumhe bhajan sunaate hain,
Tumhe sheesh jhukate hain.

Bajrangi Maharaj,
Tumhe bhakt bulate hain,
Tumhe sheesh jhukate hain.

<https://bhaktivandana.com/lyrics/%e0%a4%ac%e0%a4%9c%e0%a4%b0%e0%a4%82%e0%a4%97%e0%a5%80-%e0%a4%ae%e0%a4%b9%e0%a4%be%e0%a4%b0%e0%a4%be%e0%a4%9c-%e0%a4%a4%e0%a5%81%e0%a4%ae%e0%a5%8d%e0%a4%b9%e0%a5%87-%e0%a4%ad%e0%a4%95%e0%a5%8d/>